



Sesida dals

Communitgà ils

Protocol nr.

25 d'avrigl 2023

26 d'avrigl 2023

332/2023

Dumonda Perl

concernent la cuvrida dals custs per colliar implants fotovoltaics relevants per il sistem cun la rait

Resposta da la Regenza

Il cunfin per ils implants fotovoltaics «relevants per il sistem» menziunads en questa dumonda (uschenumnads implants fotovoltaics d'interess naziunal) sa chatta tar ina producziun annuala minimala da 10 uras gigawatt (GWh) (cf. art. 71a al. 2 lit. a da la Lescha d'energia [LEn; CS 730.0]). Tals implants dovran ina surfatscha d'almain set plazzas da ballape (50 000 m²) en in lieu adattà. En quest connex sa tracti da fitg gronds implants che n'èn betg cumparegliabels cun implants fotovoltaics pli gronds sin edificis agriculs.

Tar la dumonda 1: Il potenzial da la producziun d'electricitad sin edificis agriculs è incontestà. Tar ina colliaziun d'edificis agriculs cun la rait sto la persuna che survegn la colliaziun cun la rait pagar custs unics per la colliaziun cun la rait sco er ils custs da la rait. Questa contribuziun per la colliaziun cun la rait correspunda als custs per construir la colliaziun cun la rait fin al punct da colliaziun. Actualmain èn circa 12 pertschient da las surfatschas da tetg adattadas sin edificis agriculs en il chantun Grischun equipadas cun implants fotovoltaics. Sin ulteriurs 62 pertschient da las surfatschas da tetg adattadas pudess in tal implant vegnir realisà senza gronda lavur resp. cun paucs custs per la colliaziun cun la rait. Las surfatschas da tetg adattadas restantas èn dapli che 400 m davent d'ina staziun da transfurmaziun. Ina colliaziun da quests lieus cun la rait è greva da giustifitgar areguard ils custs.

Pli impurtant ch'ils custs per la colliaziun cun la rait è il rinforzament da la rait che daventa necessari en cas singuls per construir in implant fotovoltaic. Perquai ch'ils rinforzaments da la rait fan part dals servetschs da sistem da la Societad naziunala

da raits d'electricitad Swissgrid, èn quels gia oz restituabels, sch'els vegnan approvads da la EICom.

Tar las dumondas 2 e 3: Sch'ins considerescha las surfatschas da tetg agriculas che stattan a disposiziun per la producziun fotovoltaica sut ils aspects rentabilitad e necessitad, n'èsi betg necessari che la Confederaziun resp. il chantun cuvrian ils custs per la colliaziun cun la rait. Sco gia explitgà en la resposta a la dumonda 1, èn avant maun avunda surfatschas da tetg libras en las zonas agriculas che pon vegnir fatgas accessiblas cun bass custs la colliaziun cun la rait. Ils implants correspundents pon vegnir gestiunads economicamain cun las pussaivladads da promoziun che stattan a disposiziun oz (l'uschenumnada indemnizaziun unica da la Confederaziun tenor l'art. 25 LEn ed eventualmain la promoziun d'electricitad durant l'enviern tenor l'art. 23a da la Lescha d'energia dal chantun Grischun [LEG; DG 820.200]).



En num da la Regenza

Il president:

A handwritten signature in black ink, appearing to be "Peyer".

Peter Peyer

Il chancelier:

A handwritten signature in black ink, appearing to be "Spadin".

Daniel Spadin